



Universitätsbibliothek Paderborn

**Joannis Bonae, Eminentissimi S. R. E. Titulo S. Bernardi
Ad Thermas Cardinalis Presbyteri Opera Quotquot
hactenùs separatim edita fuerê Omnia**

Bona, Giovanni

Antverpiae, 1677

Cap. XV. De visionibus, & apparitionibus. Earum notitiam difficillimam esse. Quaedam de ipsis singulariter notanda Tria earum genera. Quid sit visio sive apparitio corporalis, quid item imaginaria.

urn:nbn:de:hbz:466:1-10805

que fuerint aliarum potentiarum operationes. An audierit aliqua verba, & quae sint illa, & an viderit ea proferentem: an sint admonitiones & consilia, & ad quid tendant: an prænuncient aliud futuram, & tunc eventus veritatem ostenderet: an defectus vel peccata alicujus manifestent, & cui bono: an alicui infamiae nota inuratur. An ecstasis in locis publicis & ubi major hominum frequentia saepius contingat: an illi conetur resistere, an querat se absconde-re. An meminerit post raptum eorum que vidit & dixit: an menti firmiter hæreant etiam post longum tempus: nam si omnium obliviscitur, morbus potius quam ecstasis censeri debet. An de raptu ejusque veritate dubitet: nam qui verè raptus est, nullatenus dubitare potest, quin in Deo fuerit, & Deus in illo. An remaneat in corpore languor, maces, debilitas, sicut ait Daniel Propheta (e): *Vidi visionem grandem hanc, & non remansit in me fortitudo; sed & species mea immutata est in me, & emarcui, nec habui quidquam virum: quia vi mentis in rerum divinarum contemplatione defixa, calore quoque vitali ad mentis functiones contracto, & vehementia amoris in partem sensitivam redundantem, necesse est obrundi vires vitae corporali servientes, & frigescere corpus, & pallescere, & infirmari.* Hac item de causa solet raptus modico tempore durare propter violentiam quaenam sensibus & corpori infertur. Nec obstat, quod prolixiores raptus quibusdam viris sanctis interdum accidisse legamus: nam vel aliqua intermissione, vel minus perfecta alienatio erat; præterquam quodd in nonnullis nimia virtum imbecillitas deliquium & quandam à sensibus alienationem operatur, quod ex hoc evidens sit, quia si nimia eorum jejunia impedianter, si desperditæ vires instaurentur, protinus cessant in eis raptus, quo remedio usum fuisse S. Tereham (d) erga quandam Monialem supra à nobis ostensum est.

7. Nullum autem certius indicium ecstasis veræ ac supernaturalis, quâm si mores eius qui rapitur cum hoc divino munere consentiant; ut supra diximus, si nimirum mundum contemnit, si ejus pompas & vanitates detestatur, si efficax Deo serviendi propositum habet, si se indignum eâ gratiâ reputat, si majorem in dies progressum facit, si ex intima cum Deo unione crescit in eo humilitas, abnegatio, odium sui, & amor Dei. Oritur etiam ex vera ecstasi anxium mortis desiderium, sicut dicebat Apostolus, (e) *Deside-*

(c) *Dam. 10: 8.* (d) *In Fundat. c. 6.* (e) *Philip. 1: 23.*

*rium habens dissolvi & esse cum Christo: jubilus quoque & gaudium omnium potentiarum, quæ diem festum agunt Deo tantâ exultatione, ut nec eam expiriñere, nec capere, aut ferre queat. Factus est, ait Jeremias, (f) *in corde meo quæsignis exæstuans, claususque in ossibus meis, & defecti, ferre non sufficiens.* „Raptus etenim & absorptus, verba sunt Dionysii Cartusiani, (g), introductus „& immersus animus in divitias gloriae, in oce-„num deitatis immense, p̄e admiratione in-„circumscripibilis majestatis, & eoris aeterni „prorsus independentis, nulliusque indigentis, „cujus nulla est causa, in cuius manu sunt omnia: „deficit prorsus ac deficit à seipso, transfigue-„tus in principem majestatis, in fontem lu-„minis, in deitatis abyssum: conquiescens at-„que obdormiens in dilecto, & aliud nil adver-„tens, totum p̄aoccupante ardore amoris. Cūm verò anima, ipsa nesciente neque cogitan-„te, repente rapitur ad divina spectacula, tanta vis esse solet cœlestis illustrationis. tanta spiritus & amoris efficacia, ut aliquando ipsum corpus in aëre sustollat: in quo raptu tancam patitur vio-„lentiam, ut non possit illi obniti. Illos aurem felicissimos vocat Bernardus, (h) qui sic rapiuntur, „qui in profundissima Dei misericordia, „quasi quodammodo sepulta iam arbitrii sui po-„testate, in divitias gloriae in spiritu ardoris ra-„piuntur, nescientes sive in corpore, sive extra „corpus, hoc solum scientes, quod rapti sunt.*

(f) *Jer. 20: 8.* (g) *Defenselucis art. 17.* (h) *Ser. 2. in Ascens. Domini.*

C A P U T . X V .

De visionibus & apparitionibus. Earum no-“ticiam difficultiam esse. Quedam de ipsis notantur. Tria earum genera. Quid sit visio, sive apparitio corporalis: quiditem imaginaria.

I. **F**acile omnes docti indoctique percipiunt, quid visionis & apparitionis nomine intellegendum sit: quomodo verò ipsæ visiones & apparitiones, occulorumque & futurorum revelationes fiant, res ardua est & difficultima explicatu, quæ non solum sapientes hujus seculi, sed & doctissimos atque sanctissimos Ecclesiæ magistros fatigavit. Augustinus, quem omnibus preferre non dubito, ab Evodio Episcopo de hac quæstione per literas interrogatus eam obscu-“rissimam.



rissimam vocat, ejusque solutionem curam atque operam negotiosissimam postulare testatur. *Visiones*, inquit, (a) „futurorumque prædictiones quomodo fiant, ille jam explicare conetur, qui novit qua vi efficiantur in unoquoque animo tanta cum cogitat. Videmus enim, planeque cernimus, in eo fieri rerum multarum visibilium, & ad ceteros corporis sensus pertinenter, innumerabiles imagines: quæ non inter est quā ordinatè vel turbidè fiant, sed tantum quia sunt, quod manifestum est, quā vi & quomodo fiant, quisquis potuerit explicare, quæ omnina certè quotidiana sunt atque continua, audeat præsumere aliquid ac definire etiam de illi rarissimis visis. Ego autem tanto minus hoc a deo, quanto nimis quoque id in nobis, quod vitam continuâ vigilantes dormientesque experiri, quo pacto fiat explicare sufficio. Tum narrat visionem cuiusdam Gennadii, & ait: „Ego autem quamvis, quomodo fiant ista veluti corpore sine corpore, verbis proflus explicare non possum: tamen sicut scio non ea corpore fieri, utinam sic scirem quomodo discernerentur, quæ videntur aliquando per spiritum, & per corpus videri putantur: quovè modo distinguuntur visa corum, quos error vel impietas plerumque deludit, quando visi piorum atque sanctorum similia pleraque narrantur. Et Epistola sequenti ad eundem illud Zacharie Prophetæ, (b) expendens, *Et dixit mihi Angelus qui loquebatur in me*, de hac ipsa questione sic differit, (c) „Neque enim forinsecus voces ad aures corporas Prophetæ venisse credendum est, cum dicit, loquebatur in me, non ad me. „Utrum voces erant de spirito factæ, corporalibus similes, quales agimus, cum apud nos taciti multa memoriter, plerumque etiam cantando, transcurrimus; sed tamen editæ ab Angelo sibi suggestente. Et post pauca. „Et ideo mira sunt, quia occultiores habent rationem, quam ut visi deri vel redi ab homine homini possit. Nec ullus reperitur tamquam prædictus sapientia, ut haec judicare vel discernere valeat, nisi desuper ab eo adjutus fuerit, cuius est mysteria sapientiae suæ humilibus revelare. „Huc accedit, ait iterum Augustinus, (d) „quia sunt visiones, quæ apparent spiritui tanquam corporis sensibus, non solum dormientibus vel forentibus, sed aliquando sanæ mentis vigilantibus: non per fallaciam illudentium daemonum, sed per aliquam revelationem spiritalem, quæ sit per formas incorpo-

reas corporibus similes: quæ discerni omnino non possunt, nisi divino adjutorio pleniùs relevantur, & mentis intelligentia dijudicentur, vix aliquando cùm fierent, sed plerumque postea cùm transierint. Hæc ad Evodium Augustinus, qui & alibi (e) de hac controversia fuisus disputans certa ab incertis secernere nos docet, & de profundissima atque obscurissima sine temeritate differere.

II. Primo autem loco observandum est, quod licet visio & apparatio pro una & eadem re accipi soleant, aliqua tamen inter utramque distinctione reperitur. Nam apparatio dicitur, cùm nostris obtutis sola species apparentis se ingerit, sed quis appareat ignoramus: cùm vero externæ apparitiones ejus intelligentia conjuncta est, tunc visio appellatur. Secundo loco duo extrema vitanda sunt: unum illorum est, qui sine delectu & examine, quamcumque audiunt vel legunt mulierularum vel insipientium sive impostorum visionem, protinus credunt: & hos perstringit Sapiens dicens, (f) *Qui credit citio, levius est corde*. Alterum è contrario quorundam est, qui res divinas cùdem mensurâ, quæ humanas, metientes, adeò angustos omnipotenti Deo terminos ponunt, ut id ab eo fieri negent, quod ipsi non capiunt. His nimur, ut ait Augustinus, (g) *tata regula credendi est consuetudo credendi*: & si quis afferat, se spiritum vel spectrum vidisse, eum somnisse dicunt, vel tamquam insunum ad Medicos alegend. Faceat quidem, in approbadis apparitionibus cautè & lente procedendum esse, cùm multi sint & fuerint pseudoprophetæ, multi qui falsas visiones & revelationes fingunt, sed non ideo ob qualidam falsas damnandæ quæ veræ sunt; perinde enim esset, ac si quis diceret, nullas esse veras gemmas, quia multæ sunt falsæ; aut neminem posse inebriari vino, quianon omnes, qui vinum bibunt, inebriantur. Plenæ sunt visionibus & revelatiōnibus utriusque Testamenti paginae; plenæ sunt sacræ & profaneæ historiæ, pleni tractatus sanctorum Patrum, quorum testimonium nemo prudens respnserit, nemo Orthodoxus negare potest. Cùm sit itaque certum & indubitatum, visiones plurimæ & apparitiones & olim contingentes & indies contingere, tum Dei optimi maximi, tum Angelorum & malorum daemonum, tum spirituum humanorum sive regnantium in cœlis, sive illorum qui æterno igne cruciantur,

N n 2 aut

(e) *Liber 12. de Gen. adlit. Et decura promortuis.* (f)

Ecclesiastes 19. 4. (g) Serm. 147. de Tempore.

(a) *Epist. 100.* (b) *Zach. 1:9.* (c) *Ep. 101.* (d) *Ep. 102.*

aut qui in Purgatorio detinentur; videndum est tertio loco, quotupliciter sit visio sive apparitio. Richardus à S. Victore initio commentariorum in Apocalypsim, (b) „Quatuor, inquit, sunt visionum modi, ex quibus duo sunt intrō, & duo foris. Duo sunt corporales, duo spirituales. Visio namque prima corporalis est, quando oculos ad exteriora & visibilia aperimus, & coelum & terram, figurās & colores rerum visibilium videamus. Sed hæc visio infima, & infirma est, quæ quia angusta est, maxima non comprehendit; & quia hebes est, minima non discernit; & quia pigra est, non attingit remota; & quia perspicax non est, non penetrat occulta. Quæ nihil denique mysticæ significatio[n]is continet, sed tantummodo corporei sensus motum & actionem habet. Alia quoque visio corporalis est, quando species vel actio sensu visus foris ostenditur, & intus magna mysticæ significationis virtus continetur: qualis fuit, visio quæ Moysi in rubo quidem extrinsecus visibiliter apparuit, sed typicā significatione plena fuit. Tertius visionis modus non sit oculis carnis, sed oculis cordis, quando videlicet animus per Spiritum sanctum illuminatus formalibus rerum visibilium similitudinibus & imaginibus praesentatis quasi quibusdam figuris & signis, ad invisibilium ducitur cognitionem. Quartus est, cùm spiritus humanus per internam inspirationem subtiliter ac suaviter tactus, nullis medianibus rerum visibilium figuris sive qualitatibus, spiritualiter erigitur ad cœlestium contemplationem. Prima visio naturalis est, nobisq[ue] communis cum brutis: secunda sublimior & excellentior, præter speciem quam exhibet sensui, latens sub illa mysterium designat. Tertia fit in imaginatione, quarta in intellectu. Quatuor item genera visionum constituit Seraphicus Doctor Bonaventura. Quædam visiones, ait (i), dici possunt corporales, quæ vigilanti corporaliter ostenduntur: ut Moyses vidit Dominum in rubo ardenti, & Patres saepè Angelos visibiliter suscepserunt. Ad hanc potest referri quorumlibet sensuum experientia, ut auditus, gustus, odoratus, & tactus; quia visus pro quolibet sensu solet poni. Hinc in Exodo dicitur, Videbant voces & lampades, & sonum buccinæ (k): „voces namque & sonum buccinæ non visu, sed auditu percipere potuerunt. Aliæ sunt imaginariae visiones,

(b) Lib. i. in Apoc. cap. i. (i) Proces. 7. Relig. cap. 13. (k) Exod. 29: 18.

, nes, quæ vigilanti non corporaliter, sed imaginariè ostenduntur, ut visiones Ezechielis, Danielis, & aliorum Sanctorum in novō & veteri testamento. Aliæ sunt imaginariae, quæ dormientibus ostenduntur, ut Jacob vidit Domini, num innixum scalæ: & Pharao & Nabuchodonosor somnia viderunt præfigia futurorum. Alia est visio intellectualis, quæ illuminatur mentis oculus luce veritatis puræ, quæ ipsam veritatem in se contemplatur: vel intelligit in visione imaginaria veritatem quæ in illa significatur. Sic Paulus raptus in cœlum audivit ineffabilia verba ipsius veritatis splendorem pure intuitus. Sic Joannes in Apocalypsi, licet sub figuris rerum materialium futura describat, creditur tamen omnia purè intellexisse, quæ figuratum velamine opera nobis proposuit. Notat autem Bonaventura, quod tres primæ visiones bonis & malis communes sunt: nec videntem sanctum faciunt, aut aliis meliorem, ut patet in Balaam, Pharaone, & aliis impiis: imò plurimis nocuerunt, qui in superbiam elati in propriam & aliorum perniciem illis abusi sunt. Aliis perturbata phantasiam paraverunt ad insaniam, ad illusiones & deceptions, & ad ruinam. Deinde observat, visiones imaginariae, earumq[ue] corporales figuræ veras esse secundum ea, quæ spiritualiter & mysticè significant, non secundum existentiam: neque enim verum est, quod reverè sint in celo boves, leones, aquilæ, & alia hujusmodi, quæ scribit Joannes se vidisse; sunt tamen virtutes & mysteria, quæ per illas figuræ designantur.

III. Multa de his integro libro Augustinus (l), quæ brevi compendio perstringam, nullo doctrinæ dispendio. Visionum tria genera esse ait, corporale, spiritale, & intellectuale, quarum exemplum occurrere docet in hoc præcepto, Diliges proximum tuum sicut te ipsum. Nam corporaliter videntur literæ, quibus scribitur; spiritualiter, id est, per imaginationem, proximus cogitatur; intellectualiter dilectio conspicitur. Possunt etiam & literæ absentes spiritualiter cogitari, & proximus præsens corporaliter videri: at verò dilectio nec per se oculis cerni, nec per imaginem spiritualiter cogitari, sed solo intellectu percipi potest. Porro quidam inter istas visiones respectus reperitur, corporalis enim ad spiritalem, spiritualis autem ad intellectualem refertur; quod evidenter appetit in visione manus scribentis in pariete, quam vidit Balthasar Rex. Imago siquidem rei corporaliter factæ spiritui ejus impressa est, & in cognitione

per-

(l) Lib. 12, de Gen. ad lit.

permansit, atque in spiritu videbatur, sed nondum intelligebatur, quamvis sciret alicujus rei signum esse. Accesit Daniel, & mente divinitus illustrata indicavit Regi, quid illo signo portenderetur, ipse potius Propheta qui visionem mente intellectus, quam Rex qui signum corporaliter viderat, ejusque imaginem in spiritu cogitando postea cernerbat, nec aliquid poterat intellectu comprehendere, nisi quod signum erat, & ideo quid significaret, inquisivit. Cum igitur oculis quædam præsentia videamus, quædam absentia imaginatione, facile illa ab ipsis discernimus, cum vigilamus: nec dubitamus illa esse corpora, ista imagines corporum. Cum verò nimiā cognitionis intentione, vel aliquā vi morbi, vel spiritus boni aut mali operatione, corporalium rerum imagines ita in spiritu exprimuntur, ac si oculis cernerentur; tunc inter ea quæ visui & quæ imaginationi occurunt, non discernimus: nam sèpè phreneticos & febricitantes audivimus. loqui cum his qui verè aderant, & cum his qui non aderant, ac si præsentes essent. In ecstasi autem, mente profluis à sensibus alienatâ, nec corpora præsentia videntur, nec ulla vox auditur; sed totus animi contutus in corporum imaginibus est, quando visio est imaginaria; aut in rebus incorporeis nullâ corporis imagine figuratis, quando visio est intellectualis. Porro ea, quæ cernuntur in visione imaginaria, si nihil significant, ipsius animæ imaginationes sunt: si verò aliud significant, id non sit vi aliquâ divinatrice, qua animæ insit, sed Dei munere, vel Angeli tam boni, quam mali operatione. Verum hoc interest, quod malus Angelus sèpè mendacis & præstigijs videntem ludicrat, bonus verò spiritum hominis ad videndas rerum imagines nunquam assumit, nisi aliquid verum significant. Et omnes quidem visiones in anima sunt, sed servant ordinem suum. Præstantior est enim spiritualis quam corporalis, neque fieri ista potest, nisi illa simul fiat; quandoquidem eodem momento, quo corpus sensu corporis tangitur, aliud tale fit etiam in anima, quod non est illud, sed illi simile: at hoc non discernitur, nisi cum fuerit sensus ablatus à corpore, ut id, quod per corpus videbatur, inveniatur in spiritu. Visio autem spiritualis fieri potest sine corporali, cum corporum absentium similitudines in spiritu apparent, & multæ pro arbitrio finguntur, vel præter arbitrium demonstrantur. Ut verò dijudicetur, indiger intellectuali; quæ cæteris non indiget, & sine illis fieri potest, estque omnibus nobilior & excellentior. Nulla in hac falsitas,

nulla deceptio esse potest; reliquæ erroribus & illusionibus subjectæ sunt. Hæc pressè & summam ex Augustino, quem sequitur, ut solet, Angelicus Doctor (m). Docet enim, visionem distingui secundum potentias cognoscitivas, quæ sunt sensus, imaginatio, & intellectus. Et loquens de raptu Pauli, per tertium celum intelligi ait visionem supermundanam secundum easdem potentias, ut primum cœlum dicatur visio corporalis, quæ sit per sensum, sicut visa est manus scribentis in pariete: secundum autem cœlum sit visio imaginaria, sicut viderunt Isaías, & Joannes in Apocalypsi: tertium vero cœlum dicatur visio intellectualis.

IV. Ex his arbitror, satis constare, illa videri & apparere, quæ sensum nostrum vel intellectum movent ad sui cognitionem: quod dupliciter fieri manifestum est, naturaliter, per objecta quæ naturali notitiâ percipiuntur: & supernaturaliter, quando ea manifestantur, quorum cognitionis vires nostras naturales excedit. Hæc est autem visio five apparitio, de qua nobis hic sermo est, cuius triplex genus supra constitutum est; una enim corporea, alia imaginaria, tertia intellectualis nuncupatur. Corporeæ nomen tribuitur tam illi quæ visus, quam quæ aliorum sensuum ministerio fit. Nomen quippe visionis primò impositum ad actum visus significandum, ad omnem quoque aliorum sensuum functionem propter ejus certitudinem & dignitatem extensum est. Ad oculos propriè, inquit Augustinus (n), videre pertinet. Utimur autem hoc verbo etiam in cæteris sensibus, cum eos ad cognoscendum intendimus. Dicimus enim non solum, vide quid luceat, quid soli oculi sentire possunt: sed vide etiam quid sonet, vide quid oleat, vide quid sapiat, vide quæ durum sit. Fit autem hæc visio five apparitio per signa externa, aut per imagines five species alias, quibus Deus utitur, illustrans videntis mentem, ut quæ repræsentantur intelligat: five ipsa species sese oculis offerat: five fiat aliqua vox, quæ ad aures sonet nullâ apparente loquentis effigie: five vox audiatur, & eodem tempore species loquentis oculis exhibeat. Interdum quoque odoris fragrantia, & saporis suavitatis omnem odorum ciborumque voluptatem superantes in coelestibus apparitionibus & in sumptione Eucharistiae odoratu & gustu ab aliquibus percipiuntur, Deo illos excitante per hæc signa sensibilia ad majorem erga ipsum amorem,

N n. 3 rem,

(m) 2. 2. qu. 174. art. 1. & qu. 175. art. 3. (n) Lib. 10. confes. cap. 35.

rem, ut ex illorum analogia coniiciant quād dulcis est Dominus; atque humilitati imperitius studeant, agnoscentes se in eorum ordine esse, quibus tanquam parvulis ad cibum solidiorem ineptis lac coelestium consolationum propinatur. Cavendae tamen in his fraudes & illusiones, quibus hæ sensuum perceptiones obnoxiae sunt, de qua re quædam supra (o) notavimus, cùm de locutione Dei & Angelorum ageremus, plura dicturi infra cum de his discernendis exposito tractabimus.

V. Imaginaria, quam Augustinus spiritalem vocat, fit per species sen figuræ & imagines rerum jam in ipsa phantasia existentes, quæ Dei vel Angeli operatione ita disponuntur, ut propositum objectum clare repræsentent, infusa luce supernaturali ad intelligendum quid significet. Fit etiam per novas species nosquam antea receperas, sed à Deo vel ab Angelo immisas, quæ potentias adeo firmiter inhærent, ut ab his distracti, & averti pro arbitrio nequeat; & si aliqua persona apparet, ita phantasiam perecellit & movet, ut & oculis corporis aspici, & vox ejus auribus percipi videatur. Sic apparuit Deus Danieli, „Aspiciebam, inquit, (p) donec throni positi sunt, & antiquus dierum sedit: vestimentum ejus candidum quasi nix, & capilli capitinis ejus quasi lana munda; thronus ejus flamma ignis, tota ejus ignis accessus. Fluvius igneus rapidissime egrediebatur a facie ejus: millia millium ministrabant ei, & decies millies centena millia assistebant ei. Quæ omnia imaginatio à Deo ostensi constat, ut apparitio humanæ naturæ conditioni congrueret, quæ sensibilibus allicitur & movetur. Profunde & diffusæ hanc visionem describit ex propriâ experientia Seraphica virgo Theresia, (q) dicens Dominum sibi manus suis, deinde faciem ostendisse, tūm illi apparuisse ea formâ, quâ è sepulchro gloriose resurgens pingui folet: qua in re tametsi ejus naturali imbecillitatî se accommodaret, magno tamen robore indiguit, ut visionem ferre posset. Tamè enim pulchritudine corpora gloriose prædicta sunt, & tantam ex omni parte gloriam spirant, ut videntem extra se rapiant, ac veluti dementem reddant. Hinc timor in ea & consternatio oriebatur, ne forte diabolica fraude illuderetur; sed paulo post divina gracia omnem timorem expellebat. Nam & si, inquit, ad multos annos metam ipsa imaginando cogitarem, quomodo rem tam speciosam effingerem, hoc tamen

penitus facere nec possem, nec scirem: longe quippe excedit quicquid cogitatione fove imaginazione effigi potest. Vel solus Domini splendor, cùm alicui apparet, explicari & concipi nequit. Neque enim splendor est, qui visum perstringat, sed suavis quidam candor & vulgaris infusus, qui oculos visumque maximopere recreat, non fatigat. Hunc splendorem prolixè celebrat, afferens tam diversum esse ab eo qui in terra videtur, ut ipsa claritas solis ipsius comparatione obscura videatur. Lumen est, quod noctem & obscuritatem non habet; nec quisquam est adeo præcellenti & acuto ingenio, ut toro vitæ sua tempore concipere possit quale sit. Deus tamen illud repente ostendit, ipsumque cernimus in momento, & si necesse foret oculos aperire ad videndum ipsum, ne quidem tempus suppeteret. Nulla est distractio, quæ ipsum impedit sufficiat; nulla potencia, quæ eis resistat; nulla diligentia, quæ ad hoc consequendum pat sit. Quomodo verò se in hac visione Dominus spectandum exhibeat, se nescire facetur: nam una ex parte ipsemet præsens adesse; ex altera non ipse sed ejus imago videbatur. Verum imago hæc talis non erat, quales sunt hominum imagines in tabulis expressæ: quia inter hanc & reliquas imagines tantum erat discriminem, quantum esse solet inter hominem pictum & vivum. Quod si est imago, vera & viva est: & aliquando cum tanta majestate apparet, ut nemo dubitare possit, quin ipse sit. Alibi quoque de hac ipsa visione agens ait, sibi apparuisse Dominum eâ formâ quâ inter homines visus est, & licet momentanea instar fulgoris hæc visio esset, ita tamen imaginationi ejus imago sculpta manebat, ut inde nullatenus deleri posset. „Quod autem, inquit, (r) imaginem vocem, non ita accipiendo dum est, quasi imago quædam sit pro imaginazione & arbitrio videntis expressa; sed verè viva est, & interdum etiam cum anima loquitur, magna que ei secrete revelat. Cum verò Dominus hanc animæ gratiam facit, ferè semper raptum patitur, eò quod natura nostra imbecillis eam terribilem visionem ferre nequeat. Terribilem dixi, quamvis enim pulcherrima sit, & majoris jucunditatis ac delectationis, quam quis, si mille annis viveret & se juciter cogitando defatigaret, imaginari posset, cum omnem & imaginacionis & intellectus capacitatem transcendat: illius tamen præsencia tantæ est majestatis, tantoque horrore animam

(o) Cap. 8. (g) 10. (p) Dan. 7:9. (q) Vita S. Theresiae cap. 28.

(r) Cœf. anima mans. 6. c. 9.



„animam implet, ut statim agnoscat quis ille sit. „Divina quoque sapientia omnem ab illa igno- „ranciam discentit, & licet aliis multa in contra- „riis congerant & obseruant, certa tamen ma- „net quod illa gratia à Deo sit: nec timet in „ex aliquam illusionem subesse. Hæc Theresia, cui in omnibus consonat fidelis ejus focus in re- formatione Carmeli Venerabilis Joannes à Cru- ce (f) „Sciendum est, ait ille, quod, quemad- „modum quinque exteriores sensus imagines & „species objectorum suorum phantasie & ima- „gnationis proponunt & repræsentant: ita pos- „sunt absque exteriorum sensuum interventu „exdem species & imagines multò vivaciùs & „perfeciùs supernaturaliter repræsentari, quemad- „modum passim in sacris literis apparet, ut „cum Deus gloriā suam manifestavit inter Se- „raphicos spiritus, qui alis velabat facies & pe- „des: & cum ostendit Jeremias virginem vigilan- „tem, & Danieli alias visiones. Et infra docet, animam in his visionibus, earumque intelligentiā & suavitate admittendis passive se habere, nec posse eas impedire; sicut vitrum nitidum & bene dispositum solares radios prohibere non valet, quin eorum fulgore & claritate penetretur & il- lustretur. Docet quoque (t) modum & ordinem, quo Deus hominem disponit à sensibilibus ad intelligibiliā, à recto scilicet usu naturali sensuum exteriorum ad supernaturales communicationes, cuiusmodi sunt corporales apparitiones, & allo- cutiones, quibus sensus ad exercitationes secun- dum virtutem excitantur, & à pravis objectis alienantur. Post hæc instruitur & perficitur phan- tasia bonis meditationibus, ex quibus ad visiones imaginarias elevatur, donec à rerum sensibilia simularis avulsa ad intellectuales perceptiones Deo trahente perveniat. Quod si quidpiam dia- bolica operatione phantasie repræsentetur, id nec visio, nec revelatio, sed illusio dici solet.

C A P U T X V I .

*De visionibus, que in somnis occurunt. Quot
sunt species, que cause somniorum. Cur plu-
res in somnis, quam in vigilia apparitiones
fiant. Somnia divina que sint. Quomodo à
demoniacis, & naturalibus discernantur.*

I N explicandis visionibus imaginariis, que
homini vigilanti, cùm sui compos est, vel
eisdem in ecstasi constituto & à sensibus avulso ac-
(f) Ascens. montis Carm. lib. 2.c. 16. (t) Ibid.c. 17.

ciderent, magnorum virorum auctoritate in superiori Capite usi sumus; nunc eadem adhibenda est in us exponendis, quæ dormientibus somniantibus interdum contingunt. Sunt autem multæ somniorum species, & multiplices cause, nec par omnium ratio est. Vana multa, & falsa, atque inania esse scimus, quorum observationem sacre literæ damnant: multa, quæ à naturalibus causis oriuntur: alia quæ dæmonum calliditate, alia quæ divinitus immittuntur. Præclarè de his Tertullianus (a). „Vana in totum somnia Epi- curus judicavit, liberans à negotiis divinitatem, & dissolvens ordinem rerum, & in passivitate omnia spargens, ut eventui exposita & fortuita. Confutat autem Epicuri opinionem multa referens insigniora apud ethnicos somnia, quibus futura & occulta revelata sunt. Tum ait. „De- finimus à dæmoniis plurimū inçuti somnia & si interdum vera, & gratiola; quantò magis vana, & frustratoria, & turbida, ludibriosa & immunda. A Deo autem, pollicito scilicet & gratiam spiritis Sancti in omnem carnem, & sicut prophetaturos, ita & somniaturos servos suos & ancillas suas, ea deputabuntur, quæ ipsi gratia comparabuntur, si quæ honesta, sancta, prophethica, révelatoria, adificatoria, vocato- ria; quorum liberalitas soleat & in profanos, destillare, imbris etiam & soles suos peræquante Deo justis & injustis. Siquidem & Na- buchodonosor divinitus somniat, & major pæne vis hominum ex visionibus Deum discunt. Si- cut ergo dignatio Dei & in ethnicos, ita & ten- tatio Malii & in Sanctos, ut vel dormientibus obrepat quæ potest, si vigilantibus non potest. Tertia species erunt somnia, quæ fibimet ipsa anima videtur inducere. Hæc & alia multa Tertullianus, cui Gregorius Magnus rem clarius distinguens adstipulatur. Sex, inquit (b) „mo- dis tangunt animum imagines somniorum. Ali- quando namque somnia ventris plenitudine vel inanitate, aliquando verò illusione, aliquan- do cogitatione simul & illusione, aliquando re- relatione, aliquando autem cogitatione simul & revelatione generantur. Sed duo, quæ primò diximus, omnes experimento cognoscimus: subiecta autem quatuor in sacra Scripturæ pa- ginis invenimus. Somnia enim nisi plerum- que ab occulto hoste per illusionem fierent, ne- quam aut vir sapiens indicaret dicens (c), Multos errare fecerunt somnia, & exciderunt sperantes

(a) De anima c. 46. &c. 47. (b) Lib. 4. dialog. c. 4. — & lib. 8. mor. c. 13. (c) Eccl. 34. 7.